

Oqaluuserisassanut nassuiaat.

(Inatsisartut Siulittaasuat)

Immikkoortut arlallit ulloq suliarineqarfissaat kinguartinneqartoq sapaammi ulloq 5. maj aamma ataasinngorneq ulloq 6. maj nalunaarutigineqarpoq. Tamatumalu kingunerisaanik nittartagaq iluarsineqarpoq.

Siunnersuuteqartup immikkoortoq 154 tunuartippaa.

Immikkoortoq 154: Inatsisartut aalajangiiffigisassaattut siunnersuutigineqarpoq Naalackersuisut peqquneqassasut aalisarnermut akuersissutit kommuninit tamakkiisumk ingerlanneqalissasut.

Apeqquteqaat aallaavigalugu oqallisissiat marluk 226-imik aamma 227-imik normoqartut ilanngunneqarput, taakkulu ulloq 29. maj aamma 16. maj oqaluuserineqassapput.

Immikkoortoq 226:

Kangerlussuaq ingerlaannartillugu sakkutooqarfimmiit atorineqarnissaanik

kissaateqartoqarneranut atatillugu paasisutissat nutaat tunngaviusinnaanersut

mittarfeqarfiliornissamut nunallu attaveqaqatigiinnerata ineriartortinnissaanut pilersaarutit

allanngortinneqarnissaat eqqarsaasersorfigineqarsimannginnersoq paaserusullugu

apeqquteqaat aallaavigalugu Inatsisartut oqallinnissaannik siunnersuut.

Immikkoortoq 227:

Ataatsimoorluta pisuussutitta uuliap, atortussiassaattita, imiutitta nukissiutittalu qanoq

iliorluta sakkortunerusumik pilersaarutigisinnaanerigut pillugu apeqquteqaat aallaavigalugu

oqallinnissamik siunnersuut.

Sisamanngornermi ulloq 9. maj ataatsimiinnerup nal. 20:00-ip tungaanut ingerlanissaa naatsorsuutigineqarpoq.

Ilaasortat uku akornanni taasisarnerit pillugit isumaqatigiissuteqartoqarpoq:

Aqqaluaq B. Egede, Inuit Ataqtigiit aamma Jens Danielsen, Siumut